

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) i člana 9. stav (1) tačka š) Zakona o nadležnostima kantonalnih organa Zeničko-dobojskog kantona u oblasti zaštite i spašavanja ljudi i materijalnih dobara od prirodnih i drugih nesreća („Službene novine Zeničko-dobojskog kantona“, broj 9/08 i 6/11), na prijedlog Kantonalne uprave civilne zaštite, Vlada Zeničko-dobojskog kantona, na 109. sjednici, održanoj dana 04.09.2017. godine, d o n o s i

ZAKLJUČAK

o ustupanju na privremeno korištenje tri terenska vatrogasna vozila za tehničke intervencije na cestama

Član 1. (Predmet)

Ustupaju se na privremeno korištenje tri terenska vatrogasna vozila za tehničke intervencije na cestama sa pripadajućom opremom za potrebe profesionalnih vatrogasnih jedinica općinskih službi civilne zaštite općina Kakanj, Maglaj i Zenica.

Član 2. (Provođenje zaključka)

Terenska vatrogasna vozila za tehničke intervencije na cestama (magistralni put M-17) iz tačke 1. ovog zaključka, predat će se na rok korištenja od 24 mjeseca, registrovana i u ispravnom stanju, ugovorom između Kantonalne uprave civilne zaštite i općina Kakanj, Maglaj i Zenica.

Član 3. (Realizacija)

Za realizaciju ovog zaključka zadužuje se Kantonalna uprava civilne zaštite.

Član 4. (Stupanje na snagu)

Zaključak stupa na snagu danom donošenja i bit će objavljen u „Službenim novinama Zeničko-dobojskog kantona“.

Broj: 02-_____/17.
Datum, 04.09.2017. godine
Z e n i c a

PREMIJER

Miralem Galijašević

DOSTAVLJENO:

1x Kantonalna uprava civilne zaštite,
1x Općinama Kakanj, Maglaj i Zenica (putem uprave),
1x Ministarstvo finansija,
1x a/a.